



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCCX. ad annum MLXXIII.

Parisiis, 1644

Vita Ioannis Papae XI.

urn:nbn:de:hbz:466:1-15625

STEPHANI PAPÆ VII. VITA. 35

ANNO
CHRISTI
928.

feri, & de emendatione ordinis vna pars episcopi, secunda sit altari, tertia societati. *Vide hæc supra sub titulo, De sacris ordinibus compensandis.*

Et in Concilio episcoporum Londoniensi, cap. 12. sic habetur de congildonibus.

* sodalium
* male dedit.
* lego
vnum

Et diximus etiam omnibus illis qui in nostram * gildscyr-ram vadum * dederunt, si contingat * eum mori, omnis congildo det vnum panem & companagium pro anima eius, & cantet vnum quinquagenarium psalmorum, vel perquirat cantandum infra triginta noctes. *Iornalensis.*

VITA

STEPHANI PAPÆ VII.

ANNO
CHRISTI
929.

STEPHANVS natione Romanus, Theudemundo patre genitus, huius nominis septimus, subrogatus est Leoni sexto, anno Domini D C C C C X X I X. tempore Constantini & Romani imperatorum orientalium. Qui dum sedisset annos duos, mensem vnum, & dies quindecim, ex hac vita migravit. Huius tempore Henricus rex Germaniæ lanceam ex clavis Christi confectam, a Rodolpho rege Burgundionum, precibus, precio & minis obtinuit, eamque successoribus ad defensionem imperii reliquit. Reges Northmannorum & Abroditarum ad Christum conuertit. *Sigebertus.*

VITA

IOANNIS PAPÆ XI.

ANNO
CHRISTI
931.

IOANNES patre Sergio pseudopontifice ex scorto Marozia prognatus, Vvidonis Tusciæ marchionis & Marozia matris potentia in locum Stephani intruditur, anno Christi 931. tempore Constantini & Romani imperatorum orientalium, quo ipse nondum per ætatem tantæ dignitatis capax esse potuisset, etiamsi nullum aliud impedimentum obstitisset. Arraldus ex monacho Rhemensis archiepiscopus electus, vir sanctissimus post puerum

Ioannes
XI. quando
& qua ratione pontificatum inuaserit.

Concil. Tom. 25.

E ij

illum quinquennalem eiectum, ab huiusmodi monstro pallium nequaquam petiisset, nisi tanti ipse fecisset Romani pontificis nomen, ut etiam in homine immerito & illegitime collocato illud honorandum esse putasset, sedemque apostolicam a nemine, præterquam a Deo, diiudicandam esse sibi persuasisset. Hunc pontificem Albericus frater vna cum matre Marozia custodiæ mancipatum usque ad diem obitus detinuit. Marozia Hugoni regi Vvidonis defuncti mariti germano Urbis dominium obtulit, si ille suo se coniugio confœderandum promitteret. Accepit conditionem Hugo, & clanculo arcem sancti Angeli ingressus, post incestum cum relicta fratris vxore commissum, Romanos despexit; Albericum priuignum suum, dum iussu matris Marozia aquam manibus eius infunderet, quasi immoderate effudisset, in faciem cecidit. Quam ut ille iniuriam vlcisceretur, Romanos ad defectionem commouit, postque arcem impugnatam, ut ait Luitprandus, Hugonem vitricum suum incestuosum fugauit: matrem vero Maroziam vna cum fratre Ioanne pseudopapa mandauit detineri sub custodia, in qua violentus inuasor violenter deiectus obiit, postquam sedem apostolicam quinque annis & aliquot mensibus non tam rexisset, quam turpiter inquinasset.

CONCILIVM ERPFORDIENSE
 IN CAUSA DISCIPLINÆ ECCLESIASTICÆ
 celebratum, anno Domini DCCCCXXXII. tempore
 Ioannis papæ XI.

ANNO
 CHRISTI
 932.

P R Æ F A T I O.

ANNO ab incarnatione Domini nostri Iesu Christi non-
 gentesimo trigesimo secundo, anno etiam domini
 * H. regis Christianissimi decimoquarto, indictione quin- * Henrici
 ta, sub die Kalendarum Iuniarum, congregata est apud Er-
 pesfurt sancta & vniuersalis Synodus, ut rex sapientissimus
 cum consilio primatum suorum decreuit, inspirante om-
 nium Saluatoris clemētia, pro vtilitate & statu sanctæ ma-
 tris ecclesiæ. Cuius regis solertiam prudentissimi viri Hildi-
 berti archiepiscopi * gubernabat. Confidentibus religio- * deff.
 - aliquid.